

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

ՈՐՈՇՈՒՄ

N Ն

ԳԻՏԱԿԱՆ ԿԵՆՏՐՈՆՆԵՐԻ ՁԵՎԱՎՈՐՄԱՆ ՍԿԶԲՈՒՆՔՆԵՐԸ,
ՉԱՓԱՆԻՇՆԵՐԸ ԵՎ ԿԱՐԳԸ ՀԱՍՏԱՏԵԼՈՒ ՄԱՍԻՆ

Հիմք ընդունելով Հայաստանի Հանրապետության կառավարության **2008** թվականի հուլիսի **24**-ի **N 870** -Ն որոշման **N1** հավելվածի **32**-րդ կետը՝ Հայաստանի Հանրապետության կառավարությունը որոշում է.

1. Հաստատել

1) գիտական կենտրոնների ձևավորման սկզբունքները և չափանիշները՝ համաձայն **N1** հավելվածի

2) գիտական կենտրոնների ձևավորման կարգը՝ համաձայն **N2** հավելվածի:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀՀ կրթության և գիտության նախարար Ս. Սեյրանյան

ՄԿԶԲՈՒՆՔՆԵՐ ԵՎ ՉԱՓԱՆԻՇՆԵՐ
ԳԻՏԱԿԱՆ ԿԵՆՏՐՈՆՆԵՐԻ ՁԵՎԱՎՈՐՄԱՆ

1. Գիտական կենտրոնների ձևավորման սույն սկզբունքները և չափանիշները մշակվել են հիմք ընդունելով «Հայաստանի Հանրապետության գիտության ոլորտի բարեփոխումների հայեցակարգային դրույթները»:
2. Գիտական կենտրոնների ստեղծման նպատակն է հանդիսանում գիտական կազմակերպությունների կողմից իրականացվող հիմնարար, կիրառական հետազոտությունների և մշակումների արդյունավետության բարձրացումը, գիտության, կրթության ու արտադրության ինտեգրումը:
3. Գիտական կենտրոնների ձևավորման սկզբունքներն են.
 - 1) գիտական կազմակերպությունների գիտական հետաքրքրությունների ընդհանրություն,
 - 2) գիտական ներուժի, նյութատեխնիկական բազայի և տարածքների համատեղ օգտագոծում,
 - 3) գիտական ներուժի և վարչասպասարկող անձնակազմի օպտիմալացում,
 - 4) գիտական ներուժի արդյունավետ, նպատակային վերարտադրություն,
 - 5) կառավարման համակարգում ժամանակակից մենեջմենթի ներդրում,
 - 6) ֆինանսական միջոցների օգտագործման արդյունավետության բարձրացում:
4. Գիտական կենտրոնների ձևավորման չափանիշներն են.
 - 1) համաապատասխան նյութատեխնիկական բազայի և տարածքների,
 - 2) բարձր որակավորմամբ գիտական աշխատողների և մասնագետների, համալիր ուսումնասիրություն կատարելու կարողության,
 - 3) միջազգային համագործակցության փորձի,
 - 4) մտավոր սեփականության օբյեկտների,

5) գիտական արդյունքների ներդրման փորձի

առկայություն:

5. Վերոնշյալ չափանիշները կողմնորոշիչ են գիտական կենտրոնների ձևավորման գործընթացում:

6. Գիտական կենտրոն կարող են ձևավորել Հայաստանի Հանրապետության մեկ կամ մի քանի գիտական կազմակերպություններ, բարձրագույն ուսումնական հաստատություններ, գիտաարտադրական միավորումներ և գիտական, գիտատեխնիկական, գիտակրթական գործունեություն իրականացնող այլ կազմակերպություններ:

Հավելված N2
ՀՀ կառավարության 2008 թվականի
_____”___” N ___ - Ն որոշման

ԿԱՐԳ

ԳԻՏԱԿԱՆ ԿԵՆՏՐՈՆՆԵՐԻ ՁԵՎԱՎՈՐՄԱՆ

1. Սույնով սահմանվում է Հայաստանի Հանրապետությունում գիտական կենտրոններ ձևավորելու կարգը:
2. Գիտական կենտրոններ ձևավորելու գործընթացը համակարգելու նպատակով ՀՀ կրթության և գիտության նախարարության գիտության պետական կոմիտեն (այսուհետ՝ Կոմիտե) ստեղծում է գիտության պետական կոմիտեի նախագահի նախագահությամբ և Հայաստանի Հանրապետության համապատասխան նախարարությունների ու ՀՀ Գիտությունների ազգային ակադեմիայի ներկայացուցիչներից կազմված հանձնաժողով (այսուհետ՝ Հանձնաժողով):
3. Կոմիտեն հրապարակում է գիտական կենտրոնի ձևավորման հայտի ձևը (այսուհետ՝ Հայտ):
4. Հայտը կոմիտե է ներկայացվում Հայաստանի Հանրապետության նախարարությունների, գերատեսչությունների, Հայաստանի Հանրապետության Գիտությունների ազգային ակադեմիայի, ինչպես նաև՝ բուհերի, գիտաարտադրական միավորումների և գիտական,

գիտատեխնիկական, գիտակրթական գործունեություն իրականացնող այլ կազմակերպությունների կողմից:

5. Հիմք ընդունելով գիտական կենտրոնի ձևավորման սկզբունքները և չափանիշները Հանձնաժողովը եռամսյակը մեկ անգամ քննարկում է Հայտը և տալիս գիտական կենտրոն ձևավորելու նպատակահարմարության վերաբերյալ եզրակացություն:
6. Հանձնաժողովի դրական եզրակացության հիման վրա կոմիտեն գիտական կենտրոն ձևավորելու մասին Հայաստանի Հանրապետության կառավարության որոշման նախագիծը սահմանված կարգով ներկայացնում է Հայաստանի Հանրապետության կառավարություն:
7. Հայաստանի Հանրապետության պետական բյուջեից գիտական կենտրոնի ֆինանսավորումը կատարվում է օրենսդրությամբ սահմանված կարգով՝ տվյալ տարվա պետական բյուջեով գիտության ծախսերի համար նախատեսված ընդհանուր հատկացումների սահմաններում:

ՏԵՂԵԿԱՆՔ ՀԻՄՆԱՎՈՐՈՒՄ

ԳԻՏԱԿԱՆ ԿԵՆՏՐՈՆՆԵՐԻ ՁԵՎԱՎՈՐՄԱՆ ՍԿԶԲՈՒՆՔՆԵՐԸ,
ՉԱՓԱՆԻՇՆԵՐԸ ԵՎ ԿԱՐԳԸ ՀԱՍՏԱՏԵԼՈՒ ՄԱՍԻՆ

Իրավական ակտի անհրաժեշտությունը պայմանավորված է Հայաստանի Հանրապետության կառավարության **2008** թվականի հուլիսի **24**-ի «Հայաստանի Հանրապետության կառավարության **2008** թվականի գործունեության միջոցառումների ծրագիրը և գերակա խնդիրները» **N-870**-Ն որոշման հավելված **N1**-ի «Գիտական կենտրոնների ձևավորման սկզբունքները, չափանիշները և կարգը» հաստատելու մասին» **32**-րդ, կետի, **2007** թվականի օգոստոսի **30**-ի **N34** արձանագրային որոշման՝ «Գիտության ոլորտում բարեփոխումների միջոցառումների ծրագիր և ժամանակացույց» **6**-րդ կետի կատարմամբ և «Հայաստանի Հանրապետության գիտության ոլորտի բարեփոխումների հայեցակարգային դրույթներ»-ի պահանջով:

Ներկայումս առաջնահերթ խնդիր է գիտական ներուժի արդյունավետ օգտագործման և նպատակային վերարտադրության, գիտության, կրթության, արտադրության ինտեգրման, գիտական և գիտատեխնիկական գործունեության արդյունքի ապրանքայնացման և առևտրայնացման արդյունավետության բարձրացումը:

Նշված խնդրի լուծման համար անհրաժեշտ է իրականացնել կառուցվածքային բարեփոխումներ՝ հիմքում ունենալով սահմանված սկզբունքներ և չափանիշներ, որոնք կապահովեն միասնական մոտեցում գիտական կենտրոնների ձևավորման գործում:

Գիտական կենտրոններ ձևավորվելու են կամ մինևույն գիտական ուղղության գիտական կազմակերպությունների միավորման, կամ գիտական, գիտակրթական, գիտաարտադրական կոնկրետ ծրագրի իրականացման նպատակով գիտական և գիտատեխնիկական գործունեություն իրականացնող կազմակերպությունների կողմից գիտական կենտրոնի ձևավորման ճանապարհով:

Արդյունքում ակնկալվում է ստեղծել գիտական կենտրոններ, որոնք կապահովեն գիտական և գիտատեխնիկական գործունեության արդյունավետության բարձրացում:

Ս. ՄԵՅՐԱՆՅԱՆ